



Broj: 05-04-20-2077-5/25
Maglaj, 03.06.2025. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-2077-3/25 od 02.06.2025. godine, u postupku javne nabavke „Nabavka računara“, Općinski načelnik donosi

O D L U K U

o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci računara dodjeljuje se ponuđaču „Fractal“ d.o.o. Žepče, u skladu sa ponudom broj 801/2025 od 19.05.2025. godine, po ukupnoj cijeni od 16.920,00 KM bez PDV-a, odnosno 19.796,40 KM sa uračunatim PDV-om.

II

Izabrani ponuđač iz tačke I oslobađa se obaveze dostavljanja dokumentacije koja je tenderskom dokumentacijom utvrđena kao dokumentacija koju dostavlja izabrani ponuđač, s obzirom da je istu dostavio uz ponudu.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-2077-1/25 od 12.05.2025. godine, pokrenut je postupak javne nabavke „Nabavka računara“, putem konkurentskog zahtjeva za dostavu ponuda. Predmetna javna nabavka objavljena je na portalu javnih nabavki, obavještenje o nabavci broj 1140-7-1-51-3-54/25 od 12.05.2025. godine. Sažetak obavještenja o nabavci objavljen je u „Službenom glasniku BiH“, broj 28/25.

Procijenjena vrijednost nabavke je 17.094,02 KM bez PDV-a, odnosno 20.000,00 KM sa PDV-om, a kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-926/25 od 22.05.2025. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske

dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene tri ponude, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Emado” d.o.o. Sarajevo	Azize Šaćirbegović 112, Sarajevo	20.05.2025. 09,21h	4481
2.	“Fractal” d.o.o. Žepče	U. Prva bb, Žepče	21.05.2025. 08,13h	4503
3.	“Inter-com” d.o.o. Zenica	Vrandučka br. 71b, Zenica	23.05.2025. 09,12h	4558

Neblagovremenih ponuda nije bilo.

Zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, provjeravajući da li dostavljene ponude ispunjavaju zahtjeve u pogledu forme, ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

Komisija je utvrdila da ponuda ponuđača „Inter-com“ d.o.o. Zenica ne ispunjava zahtjeve iz tenderske dokumentacije u pogledu opisa predmeta nabavke i tehničkih specifikacija. Naime, u specifikaciji robe koja je predmet nabavke, navedenoj u Aneksu 2 tenderske dokumentacije, za stavke 1 i 2 (brand name računari) tražena je garancija proizvođača od minimalno tri godine. Uvidom u ponudu imenovanog ponuđača, ugovorni organ je utvrdio da je za tražene stavke ponuđen računar Dell OptiPlex Tower, čije specifikacije su označene žutom bojom u katalogu. U dostavljenoj kataloškoj dokumentaciji/tehničkom opisu za ove stavke (str. 27 i 36 ponude) navedena je garancija proizvođača u trajanju od jedne godine, što nije u skladu sa zahtjevima iz tenderske dokumentacija. Iz navedenih razloga, Komisija je ovu ponudu odbila kao nepravilnu.

E-aukcija je zakazana za dan 02.06.2025. godine s početkom u 09,00 sati.

Nakon održane e-aukcije, konačna rang lista u predmetnom postupku je sljedeća:

r/ b	Naziv ponuđača	Cijena / KM bez PDV-a	Cijena / KM sa PDV-om
1.	“FRACTAL” D.O.O. ŽEPČE	16.920,00	19.796,40
2.	“EMADO” D.O.O. SARAJEVO	16.960,00	19.843,20

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku računara

dodijeli ponuđaču „Fractal“ d.o.o. Žepče. Preporuka je, zajedno sa izvještajem o radu Komisije, dostavljena rukovodiocu ugovornog organa 03.06.2025. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Maid Suljaković

[Handwritten signature]

